

## Toshkent shahrining Bunyodkor ko'chasi dagi ko'priklar ochildi



O'zbekiston Respublikasi Prezidenti Shavkat Mirziyoev 10-avgust kuni yangi qurib bitkazilgan ushbu ko'priklar kelib ko'rdi.

Ma'lumki, Bunyodkor ko'chasi poytaxtimizning eng serqatnov yo'llaridan biri. Bu ko'chaning Toshkent halqa yo'li, Farhod, Muqimiy, Islom Karimov, Navoiy va boshqa yirik ko'chalar bilan kesishgan joylarida yo'l o'tkazgich va tunnellar qurilgan.



O'zbekiston Respublikasi Prezidentining  
MATBUOT XIZMATI

Prezidentimiz topshirig'iga muvofiq Bunyodkor va Cho'pon ota ko'chalari chorrahasida ham yangi ko'priklar bunyod etildi. Buning natijasida endi Bunyodkor ko'chasi bo'ylab to'xtovsiz va xavfsiz harakat ta'minlanadi. Yo'l o'tkazgichda transportlar 6 ta qatorda harakatlanadi. Shuningdek, bu yerda 124 metrlik ikkita piyodalar o'tish ko'prigi qurilgan. Nogiron va keksalarga qulaylik yaratish maqsadida lift va eskalator o'rnatilgan.

Davlatimiz rahbari hududda amalga oshirilgan qurilish va obodonlashtirish ishlari bilan tanishdi.



Bunday inshootlarni qulaylik va xavfsizlik nuqtai nazaridan aql bilan loyihalashtirish, ularni sifatli va zamonaviy qilib qurish zarurligini ta'kidladi. Ushbu maydon va ko'chchalarda odamlarga qulayliklarni yanada oshirish bo'yicha o'z fikrlarini bildirdi.

Shavkat Mirziyoev G'afur G'ulom nomidagi madaniyat va istirohat bog'ini ham kirib ko'rdi. Bog'ni zamonaviy qilib qayta qurish, bu yerda ochiq va yopiq akvapark barpo etish bo'yicha topshiriq berdi. Bog'dagi biron ta ham daraxt kesilmasligi kerakligini ta'kidladi.



[president.uz](http://president.uz)